

Polasaí Iontrála Choláiste an Phiarsaigh

Gleann Maghair

Corcaigh

62301N

Pátrún na Scoile: Gaelachas Teó

1. Réamhrá

Comhlíonann an Polasaí Iontrála seo ceanglais an Achta Oideachais 1998, an Achta Oideachais Iontráil i Scoileanna 2018 agus an Achta um Stádas Comhionann 2000.

D'fhaomh an Bord Bainistíochta an polasaí ar an 21-09-2021. Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Coláiste an Phiarsaigh leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhliantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

2. Spiorad sainiúil agus cuspóirí ginearálta na scoile

Ráiteas Misin

Meánscoil lán-Ghaelach is ea Coláiste an Phiarsaigh.

Tugann pobal uile na scoile tús áite don chultúr Gaelach.

Tá sé mar aidhm againne i gColáiste an Phiarsaigh tréithe na Críostaíochta a chothú.

Is é sainspiorad na scoile ná meas a bheith againn ar a chéile, agus sinn ag tabhairt aitheantais d'éagsúlacht daoine, inár gcaidreamh laethúil.

Tá Coláiste an Phiarsaigh tiomnaithe d'fhorbairt, do dhea-oiliúint agus d'fheabhas acadúil an dalta.

Ráiteas Scoile

Is meánscoil comhoideachais lán-Ghaeilge í Coláiste an Phiarsaigh a fhreastlaíonn ar dhaltaí lae, lae-cónaithe agus cónaithe.

Is cuid lárnach de fhealsúnacht na scoile an Ghaeilge agus cultúr na hÉireann a chur chun cinn laistigh agus lasmuigh den scoil. Chuige sin tugann an scoil, idir mhúinteoirí, agus dhaltaí, tús áite do labhairt na Gaeilge sa scoil agus in imeachtaí uile na scoile. Tá sé riachtanach go mbeadh gach dalta sásta tacaíocht ghníomhach a thabhairt dúinn san obair sin.

Déanfaimid gach iarracht atmasféar nádúrtha foghlamtha a chruthú sa scoil. Beimid ag súil go mbeidh gach dalta fíreannach, macánta, dílis, dea-bhéasach, iontaofa agus freagrach. Is ceart go mbeadh meas ag an dalta ar dhaoine eile, laistigh agus lasmuigh den scoil, agus ar gach a

mbaineann leo. Ba cheart go mbeadh siad toilteanach obair de réir a gcumais agus go mbeadh siad eolach ar rialacha agus riachtanaisí na scoile.

Tá sé mar chúram ar an scoil a chinntiú gur féidir le foghlaim, le forbairt agus le fás an dalta dul chun cinn gan bac d'aon tsaghas.

Is ceart go mbeadh spiorad na Críostaíochta le mothú i ngach uile gné de shaol na scoile. Cuirfimid romhainn an tuiscint agus an dea-shampla sin a léiriú i gcónaí inár gcumarsáid laethiúil lena chéile ionas gur féidir le gach ball de phobal na scoile forbairt agus fás go nádúrtha.

3. Ráiteas maidir le hIontráil

Ní dhéanfaidh Coláiste an Phiarsaigh idirdhealú maidir le dalta a ligean isteach i scoil ar bhonn aon cheann díobh seo a leanas:

1. inscne an dalta nó an iarratasóra i leith an dalta lena mbaineann,
2. stádas sibhialta an dalta nó an iarratasóra i leith an dalta lena mbaineann,
3. stádas teaghlaigh an dalta nó an iarratasóra i leith an dalta lena mbaineann,
4. gnéaschlaonadh an dalta nó an iarratasóra i leith an dalta lena mbaineann,
5. reiligiún an dalta nó an iarratasóra i leith an dalta lena mbaineann,
6. bunús mhíchumas an dalta nó an iarratasóra i leith an dalta lena mbaineann,
7. cine an dalta nó an iarratasóra i leith an dalta lena mbaineann,
8. dalta nó iarratasóir ó phobal an lucht siúil i leith an dalta lena mbaineann, nó
9. riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

De réir Alt 61 (3) den Acht Oideachas 1998, forléireofar 'foras stádais sibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir alt 3 den Acht um Stádas Comhionann 2000.

Scoileanna Iarbhunoideachais Sainchreidmheacha

Is scoil í Coláiste an Phiarsaigh arb é an cuspóir atá aici oideachas a sholáthar i dtimpeallacht a chuireann luachanna reiligiúnacha áirithe chun cinn agus ní dhéanann sí idirdhealú i gcás ina dtugann sí cead isteach do dhalta .

4. Na catagóirí de Riachtanais Speisialta Oideachais a ndéantar freastal orthu sa scoil/sa rang speisialta

Ní bhaineann sé seo linn i gColáiste an Phiarsaigh

5. Daltaí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas –

1. i gcás ina bhfuil ró-éileamh ar an scoil (féach [alt 6](#) thíos le haghaidh tuilleadh sonraí)

2. i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnta lena chinntiú go gcomhlíonfaidh an dalta an cód sin

6. Ró-iarratas .

Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

An Critéir Roghnúcháin:

Is scoil lán-Gaeilge í Coláiste an Phiarsaigh a fhreastlaíonn ar chailíní agus ar bhuachaillí ó Ghaelscoileanna agus ó bhunscoileanna thraidisiúnta an cheantair. Caithfidh an scoil a bheith sásta go mbeidh lán tacaíocht ar fáil ó aon iarrthóir nua maidir le sainmheon lán-Ghaeilge na scoile. Is ceart fianaise chruthaithe a bheith ar fáil ar an fhoirm iarratais amháin a léiríonn meon/dearcadh / cur chuige an dalta I leith na Gaeilge.

Seo a leanas na coinníollacha iontrála a chuirfear i bhfeidhm sa chás go bhfuil ró-eileamh ar áiteanna sa scoil:

1. Scoláirí a bhfuil deartháir (eacha) / deirfiúr (acha) sa scoil chéanna féin acu
2. Má bhí siblíní leis an dalta cláraithe sa scoil roimhe seo.
3. Má tá tuismitheoir nó caomhnóir an dalta fostaithe sa scoil faoi láthair.
4. Má d'fhreastal tuismitheoir leis an dalta ar an scoil (Go huasmhéid 25% de na háiteanna atá ar fáil)
5. Go bhfuil freastal déanta acu ar Ghaelscoil nó ar bhunscoil a thacaíonn linn go bliantúil.
6. Más é nó í an duine is sine sa chlann.

Dáilfear áiteanna chomh cothrom agus is féidir idir na scoileanna a thacaíonn linn go bliantúil. Déanfar líon na náiteanna a dháileadh, pro rata, ar scoileanna bunaithe ar an gcéatadán a thagann chughainn go tradisiúnta

Sa chás go bhfuil beirt dhalta nó níos mó ceangailte le haghaidh áite nó áiteanna in aon cheann de na catagóirí critéir roghnúcháin thuas (agus líon na n-iarratasóirí níos mó ná líon na n-áiteanna atá fágtha), beidh feidhm ag na socruithe a leanas:

I gcás líon na n-áiteanna atá ar fáil a bheith sáraithe laistigh de cheann ar bith de na critéir seo, cuirfear na hiarratasóirí atá fagtha in ord tosaíochta ar bhonn crannchuir agus bunófar liosta feithimh as seo. Déanfar an crannchur a reachtáil laistigh de 28 lá de spriocdháta glactha na n-iarratas faoi mhairseacht 2 iondaí ó na grupáí seo a leanas:

- Ainmní de chuid an Bhóird Bainistíochta
- An Príomhoide
- Príomhoidí nó Príomhoide Tánaisteach.

7. An méid nach mbreithneofar ná nach gcuirfear san áireamh

De réir alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le haghaidh iontrála sa scoil.

1. freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
2. íocaíocht táillí nó ranníocaíochtaí (cibé slí a dtuairiscítear é) leis an scoil;
3. cumas, scileanna nó inniúlacht acadúil an dalta;
4. gairm, stádas airgeadais, cumas acadúil, scileanna nó inniúlacht tuismitheoirí dalta;
5. ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;

6. ceangal dalta leis an scoil de bhua duine dá t(h)eaghlach nó dá teaghlach ag freastal ar an scoil nó a bhí ag freastal ar an scoil roimhe sin;

7. an dáta agus an t-am ar ghlac an scoil le hiarratas iontrála,

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann.

Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin

8. Cinntí ar iarratais

Beidh na cinntí go léir maidir le hiarratais ar iontráil chuig Choláiste an Phiarsaigh bunaithe ar na nithe a leanas:

- Polasaí iontrála na scoile
- Fógra iontrála bliantúil na scoile
- An fhaisnéis a chuir an t-iarratasóir ar fáil i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

(Féach [alt 14](#) thíos maidir le hiarratais a fuarthas lasmuigh den tréimhse iontrála agus [alt 15](#) thíos maidir le hiarratais ar áiteanna i mblianta seachas an grúpa ligthe isteach.)

Ní úsáidfeadh critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

9. Cinntí a chur in iúl d'iarratasóirí

Cuirfear iarratasóirí ar an eolas i scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhalta inár scoil, cuirfear na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéar roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfear iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach [alt 18](#) thíos le haghaidh tuilleadh sonraí).

10. Glacadh le tairiscint áite ag iarratasóir

Agus tairiscint iontrála á glacadh agat ó Choláiste an Phiarsaigh ní mór duit an méid a leanas a léiriú—

(i) cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den tsórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.

(ii) cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

11. Cúinsí nach féidir tairiscintí a dhéanamh ina leith nó a tharraingt siar

Ní féidir le Choláiste an Phiarsaigh tairiscint iontrála a dhéanamh ná a tharraingt siar sna cásanna a leanas —

1. déantar amach go bhfuil an fhaisnéis atá san iarratas bréagach nó míthreorach.
2. teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
3. má theipeann ar thuismitheoir dalta, nuair a éilfonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnta lena chinntiú go gcomhlíonfaidh an dalta an cód sin; nó
4. teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in [alt 10](#) thuas.

12. Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

13. Liosta feithimh i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltáí nár éirigh lena n-iarratas ar iontráil chuig Coláiste an Phiarsaigh mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg.

Tá socrúchán ar liosta feithimh Choláiste an Phiarsaigh san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

14. Iarratais Dhéanacha

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san fhógra iontrála bliantúil de réir pholasaí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

15. Nósanna imeachta maidir le daltaí a ligean isteach i mblianta eile agus le linn na scoilbhliana

Seo a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

Ní ghlacfar le hiarratais aistriú go dtí buíonta na chéad bhliana, an dara, an tríú, an ceathrú, an cuigiú agus buíon an tséú bliain i gColáiste an Phiarsaigh go dtí tar éis 1 Bealtaine 2021. Is é an dáta deireanach go nglacfar le hiarratais ná 22 Bealtaine 2021. Cuirfear aon iarratas a fhaightear tar éis an dáta seo san áireamh agus déanfar é a phroiseáil ar bhonn iarratas déanach de réir pholasaí iontrála na scoile.

Is iad a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin, tar éis thús na scoilbhliana ina lorgaítear an cead isteach:

Tabharfar áit doibh má bhíonn spás sa bhliain grúpa áirithe sin, ach roimhe sin bíonn gá cruinniú a bheith acu leis an bPríomhoide.

16. Dearbhú maidir le gan táillí a ghearradh

Ní ghearrfaidh bord Choláiste an Phiarsaigh ná aon duine a ghníomhaíonn thar a cheann táillí ar íocaíocht ná ní lorgeoidh sé nó sí íocaíocht ná ranníocaíocht mar choinníoll de -

1. iarratas ar dhalta a ligean isteach sa scoil, nó
2. iontráil nó clárú leanúnach dalta sa scoil.

Tabhair faoi deara: Ní bhaineann eisceachtaí ach le meánscoileanna a ghearrann táillí, leis an ngné chónaithe i Scoileanna Cónaithe agus le ligean isteach i gcúrsaí Iar-Ardteistiméireachta nó cúrsaí breisoideachais a reáchtálann iar-bhunscoileanna.

17. Socruithe maidir le daltaí nach bhfreastalaíonn ar theagasc reiligiúnach

Seo a leanas socruithe na scoile do dhaltaí, sa chás gur iarr na tuismitheoirí, nó i gcás go bhfuil 18 mbliana d'aois slánaithe ag an dalta, a d'iarr go bhfreastalódh an dalta ar an scoil gan freastal ar theagasc reiligiúnach sa scoil. Ní bheidh laghdú ar lá scoile na ndaltaí sin mar thoradh ar na socruithe sin. Beidh ionad staidéir curtha ar fáil dóibh áit go mbeidh féitheoireacht déanta orthu le linn na tréimhse sin.

18. An ceart chun athbreithnithe/achomhairc

Athbhreithniú ar chinntí an Bhord Bainistíochta

Féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici féadfaidh sé/sí a iarraidh ar an mbord athbhreithniú a dhéanamh ar an gcinneadh áit sa scoil a dhiúltú. Ní mór iarratais den gcineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbhreithniú den chineál sin a iarraidh agus na ceanglais eile a bhaineann maidir le hathbhreithnithe den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord athbhreithnithe den gcineál sin de réir na nósanna imeachta a rialaítear faoi Alt 29B i gcomhair le Alt 29C den Acht Oideachais 1998.

Tabhair faoi deara: Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Ceart achomhairc

Faoi Alt 29 den Acht Oideachais 1998, féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici, féadfaidh sé/sí achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(ii) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.


Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an Aire Oideachais agus Scileanna.

Tá an t-amlíne ina gcaithfear achomharc den gcineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

17/06/2025

Handwritten signature of Micheál Ó Tuama in black ink, written over a horizontal line.

Micheál Ó Tuama

Príomhoide na Scoile

Handwritten signature of Ruairí Ó Catháin in black ink, written over a horizontal line.

Ruairí Ó Catháin

Cathaoirleach, Bord Bainistíochta na Scoile